

DISSERTATIO

M E D I C A

DE LEUCORRHŒA,

QUAM Deo duce & auspice Dei-parâ,
in augustissimo Ludovicœo, Medico
Monspeliensi, publicis subjiciet dispu-
tationibus,

A U C T O R,

MARTINUS - MÉAUDRE DASSIT, ex opido de Confolens,
in novâ partitione, gallicè dictâ, *Département de la
Charente*, in almâ Academiâ Tolosanâ artium Magis-
ter, olim saluberrimæ facultatis Tolosanæ Alumnus,
& jam-dudum in inclytâ Monspeliensi Universitate
studiosus die Januarii, anni Domini 1792, Libertatis
tertii.

Pro Baccalaureatûs gradu in Medicinâ consequendo.

Vias, Medicis invias, reperit natura, sæpius illa novum opus
exorditur, ubi conatus nostri desiere.

M O N S P E L I I,

Apud JOANNEM-FRANCISCUM P I C O T, Regis Universitatisque
Typographum.

1792.

CARISSIMO AVUNCULO SUO
J. POUGEARD LAJAURIE,
DOCTORI MEDICO MONSPELIENSI;
NEC-NON

TENERRIMÆ MATRI SUÆ;

*Has in arte medicâ primitias, ut publicum
extet gratitudinis, reverentiæ & amoris monu-
mentum,*


DICAT, VOVET, CONSECRAT;

Additissimus & obsequentissimus
Filius & Nepos,

M. MÉAUDRE DASSIT.

Monspelii die Januarii 1792.





DISSERTATIO MEDICA

DE LEUCORRHŒA.

LEUCORRHŒA consistit in fluxu ex partibus naturalibus mulierum, humoris aquosi, serosi, lymphatici, mucosi, biliosi, chilosi, vel lactosi. Quamquam autem isti humores variis donentur caracteribus, diversoque colore & odore prout variantur causæ ex quibus oriuntur, nimirum mirari oportet, juxta *Raulin* quod adeo variae istæ omnes fluxuum species, nomine generifico leucorrhœæ designentur. Urbanitati *Hippocratis*, inquit idem auctor istud nomen debetur, ut verecundiæ mulierum consuleret, & ut libenter intacto illorum pudore, medicus de isto morbo illas interrogare posset.

Leucorrhœa functiones lædit, plus minusve debilitat, corporaque labefactat, prout fluxus est copiosus & periculosus pertinaciâ vel qualitate suâ. Haud rarò, producit iste morbus quamdam consumptionem, semper injucundam; sæpè pertimescendam, aliquandoque nocendam. Tanquam cachexiam ineuntem, hunc fluxum inveteratum post *Hippocratem Hoffman* habebat. *Ferrein* alique per celebres medici, fluxui ventris, quibusdamque aliis evacuationibus contrâ naturam, & quæ sunt symptomata aliorum morborum, fluorem album conferunt. Observavit *Hoffman* quod hæc affectio superveniat tanquam gravedo; symptomata, juxta *Raulin* initio ferè eadem sunt, quamvis tamen in priori morbo multò lentiora & diuturniora sint.

Aliquando fluores albi apparent post menses retentos vel suppressos , tunc temporis ægrotantem levare videntur , istud verò melius , est momentaneum , sunt enim falsa erisis - adjuvamen imperfectum , aliquandoque nefandum. Iste fluxus utilis esse potest , in quibusdam chronicis , in quibus humorem massa inficitur materiâ æterogeneâ , quæ cursui illorum est impedimento , tunc quāquam periculosus ex naturâ suâ , faustam istius materiæ diversionem operari potest , quoque modo , intacta facere cætera viscera ; sed istius modi curationi minimè fidentum est ; sæpius enim morbos graviores , aliquandò etiam insanabiles facit. *Vid. Raulin.*

Leucorrhœa statum morbosum certè constituit , haudque frequenter benevalentes ista affectio prosequitur , nisi sit ephemera. Quædam tamen mulieres , fluore albo benigno , etiam diuturno affectæ fuere , nec ullum patens damnum illorum valetudini allatum fuit , sed rarissimi sunt isti casus , & tantummodo contingunt apud mulieres libidine non labefactas illi enim fluxus , inquit *Raulin* ; quando sunt diuturni , paulatim perspirationem insensibilem , cæterasque naturales evacuationes imminuunt , nunquam verò illorum locum tenent , quia non sunt in ordine naturali. Idem auctor censet , quod illi simul cum otio , & irregulari vivendi modo progressi sunt , ideò juxta ipsum grassantur in urbibus , & inter præcipuè divites. Rarò quæ regularem & exercitam vitam agunt , hoc incommodo laborant ; & si veteribus credamus , apud seniles tantummodò dignoscebatur. Hodiernis autem diebus , cum luxuries , & in omni genere depravatus ordo , ubique reperiantur , iste morbus , cunctas ætates invadit. *Hoffman* vidit puellam fluore albo affectam , ex eo ipso die , quo in diem prodiit ; *Nenter* , *Sennert* , *Doetus* , plurimique alii auctores , puellas , duobus , vel quatuor , vel decem annis & ultra affectas videre ; eademque facta *Raulin* refert , & hunc morbum in istis casibus hereditarium putat. Vulgò tamen exorditur illa affectio , circa duodecimum . vel quatuordecimum annum.

Non semper in utero , vel in canali suo oritur fluor albus , frequentissimè autem producitur à pravo habitu in toto corpore , vel à quâdam depravatione in massâ liquidorum.

Nulla adsunt viscera , juxta *Raulin* , quæ materiem hujusce fluxûs suppeditare non valeant. Non rarò chilus , lac , serum sanguinis , lympa , & succus nutritius , per hanc viam partim fluunt , quandò scilicet isti humores à naturâ & essentiâ suâ recessere : haud ægrè illud concipietur , dummodò attendatur ad sympathiam inter uterum & cæteras corporis partes , quæ sympathia evidenter demonstrata fuit ex principiis

Aretei, *Scribonii - Largi*; *Galen*i, & *Oribasii* quæ iterum confirmata fuit ex experimentis celeberrimorum, tum veterum tum recentium medicorum, inter quos eminent *Balonius*, *Sennert*, *Riverius*, *Hoffman*, *Boërhaavius*, *Fernel*, *Mercatus*, *Duret*, &c. Videtur inquit *Balonius*, quod fluores albi producantur à vitio generali in toto corpore existenti, vel tantum modò in utero. Ista assertio, iterum ex sequenti observatione confirmatur: quando iste fluxus, ex semetipso, vel à quadam imprudentia, suppressus est, non sublata causâ productrice, brevi, quædam viscera, non sine periculo, læduntur, quæ quidem læsio oritur ex decubitu & metastasi materiei æterogeneæ, quæ evacuari debuisset per vias in quibus istum characterem depravatum adepta erat. Hinc videtur, quod semper tum in abundantia, tum in diuturnitate, tum denique in illorum imminutione, vel suppressione, periculosi sint fluores albi, nisi juxta naturæ vota cedant, tum ex solis ipsiusmet viribus, tum ex artis operâ tempestivè adhibitâ.

Inter morbos chronicos fluor albus recenseri licet: ille sicut priores apparet, post longosquorundam viscerum, vel generales vel particulares morbos; ille quoque oritur ex suppressâ vel retentâ quadam evacuatione necessariâ, vel ex aliis causis massam liquidorum, vel totum sistema solidorum, malè afficere valentibus; ex quodam violento nisu, & immoderatis animi pathematibus aliisque aberrationibus à regulis diætericis; tum denique ex otio constanti, & assueto, mollitieque perseveranti. Ex his omnibus, paulatim cunctæ functiones perturbantur, sensimque ægrotantes in langorem cadunt. Talia sunt exordia & principia morborum chronicorum in genere, & præcipuè floris albi.

Materia quæ hunc morbum producere valet, potius in quasdam partes, & in quædam viscera irruit, pro functionibus illorum, proque sensibilitate & irritabilitate quâ fruuntur. Hinc patet, quod cum uterus maxima sensibilitate, & sibi peculiari & exquisitâ vitalitate sit præditus, cum aliundè innumera vasa in illo sanguinem ex diversis visceribus afferant, patet inquam, quod in illo frequentius irruere debeat materia quæ fluxum de quo agitur, constituit. Enim verò juxta observationem *Hoffman* humores æterogenei, in toto corpore sparsi, haud ægrè per uterum evacuantur, in quo *Raulin* post *Duret* observat adesse sympathiam cum omnibus corporis partibus tanquam generale corporis emunctorium, illum habent *Mercatus*, *Paracelsus*, cæterique innumeri medici.

Si paulisper fluxus perseveret, uteri vasa laxantur, illiusque substantia, labefactatur. Hinc sæpius fiunt dilacerationes, erosiones, & ul-

cera , quæ fluxui novam anſam præbent , illum augment , periculoſumque & aliquando inſanabilem faciunt. Afficitur uterus ut ſuprà expoſui , à vitio generali in totâ œconomiâ animali , ſed præſertim læditur à quibusdam accidentibus , ipſius ſubſtantiæ ſupervenientibus , talia ſunt laxitas in fibris , illorum pauciſſima elasticitas , nimiaque rigiditas , &c.

Variis donantur coloribus fluores albi , pro tempore quo in utero materiæ ætogeneæ fit decubitus , proque diverſis qualitatibus humorum qui illos producant , pro diverſo vivendi modo , proque diverſis cibis quibus veſcuntur ægrotantes & ſæpè pro cauſis quæ illos determinant. Qualitates illorum agnoſcuntur ex ipſorum coloribus & effectibus. Qui viridi colore & viſcoſi ſunt , maximè ſunt irritantes ; qui autem nigreſcentes , peſſimi ſunt & periculoſiſſimi ; qui pallido vel albo colore gaudent , ſunt ex omnibus minus periculoſiores ; maximè autem corroſivi ſunt qui lauturam carniū æmulantur. Cenſet *Raulin* , quod cacochimia ſcorbutica , ſemper irritantes , & haud rarò corroſivos , fluxus albos reddat.

ſymptomata leucorrhœæ , variare debent , pro variis cauſis quæ hunc morbum vel produxere , vel nutriunt. Quando à generali vitio producit , tunc ſymptomata non ſunt eadem ac illa quæ obſervantur quando à læſione cujuſdam organi pendet , cum igitur mens noſtra ſit , agere tantummodo de fluore albo ab utero proveniente , ſymptomata enumerabimus huic ſoli affectioni peculiaria , qualia ſunt pallor faciei , ſpontaneæ laſſitudines , major , minorve maraſmus pro mali diuturnitate , virium proſtratio , ſæpèque ſolutio ; inappetentia , cibi faſtidium , lentæ & imperfectæ digeſtiones , cachexiæ , ingurgitationes variorum viſcerum , glandularumque lymphaticarum obſtructiones ; œdemata in inferioribus partibus ſupveniunt , ſi diutius ſtet , vel ſedeat ægrotans ; ſi verò jaceat , eodem incommodo oculi corripuntur. Dum in utero materia permanet , maximâ acrimoniâ fit prædita , in vaginâ pruritus , calorem & excoriationes ſæpèque ulcera in utero producit , in illoque phlogoſim plus minusve dolorificam excitat. Hinc dolores in matrice , renis , inguinibus , & in pubi , &c. Hæc ſymptomata , quando ſimul crevere , concomitantur lenta febris , phthiſis & innumera alia damna , ſemper pertimeſcenda , ſæpèque periculoſiſſima.

hæc ſymptomata inquit *Raulin* , à diebus *Hippocratis* , ſerie obſervationum confirmata ſunt ; non tamen apud omnes ægrotantes tam ſæviter graſſantur , ſin autem , lethalis ferè ſemper foret , morbus de quo agitur. Sed variatur periculum , pro temperamentis , debilitate vel vigore quibus ægrotæ gaudent , pro illorum ſenſibilitate diverſiſque animi pathematibus , pro illorum aberratione à regulis diæteticiſ , pro denique negligentia in præveniendis huiusce morbi conſequentiis & effectibus.

In genere tanquam causa remota fluoris albi haberi debet, quidquid in corpore alterationem sensibilem asferre potest, qualis est humidus aër, partibusque æterogeneis gravidus; (hinc fit quod frequentior sit ille morbus in regionibus in quibus stagnant aquæ, & in quibus multæ sunt nebulae, sicut in Holandiâ, &c., &c.) Pravorum abusus ciborum, aquarum stagnantium, fermentatorumque liquorum portiones; & violenta animi pathemata, cæteræque à diæteticâ aberrationes.

Tanquam causæ proximæ fluoris albi absolutè haberi possent, solidorum debilitas, illorumque nimia rigiditas, vel sensibilitas; varia liquidorum vitia, viscerum obstructions, & in cerebro vel pectore fluxiones. Quæ omnes causæ ad fluorem album disponunt, & aliquando illud agunt immediatè; sed cum vulgò hoc non eveniat, cum aliundè per causas immediatas intelligere debeamus quæ uterum afficiunt, jam acturi sumus, (ut superius indicavimus) de illis tantùm modo causis quæ in utero sedent, & post quas totam curationem nostram statuemus. Cum igitur limites hujus dissertatiunculæ, non sinant agere de omnibus causis quæ fluorem album producere valent, cum aliundè illud conamen non sit propositi nostri, putavimus quod sufficiens esset de frequentioribus agere, id est de illis quæ ad uterum spectant. Cæterum qui plura de reliquis cognoscere cupiet, librum aureum dom. *Raulin* adeat, in illo reperiet quidquid de istâ materiâ desiderari potest.

Tanquam causa immediata leucorrhœæ igitur haberi debet, laxitas particularis fibrarum uteri, illius vasorum contractio, obstructions & schirri; copiosæ hemorrhagiæ, menses retenti vel suppressi ulcera & polyppy, &c., &c. Quidquid demum functionibus illius visceris nocere potest, hunc morbum producere valet.

Hic mihi observare liceat quod nulla in corpore humano pars adsit, nullaque viscera tam obnoxia ingurgitationibus quam uterus. Quas jam enumeravimus causæ præsertim observantur apud mulieres lautè & copiosè comedentes, parùm corpus exercitantes, sedentariam autem & inertem vitam agentes; recens partas, quæ lac derivant, nutrices quæ maturè nimis lac infantibus subducunt, feminas temperamento pituitoso vel phlegmatico donatas, & multum aquæ bibentes; mulieres tandem quorum sanguis à febre quâdam lentâ vel alio chronico morbo dissolvitur; quæ remediis aperientibus abutiuntur, quæque debili & delicatulâ constitutione sunt præditæ.

Agnosci potest mulieres hâc affectione laborare ex inspectione illorum vestium & urinarum, si fortè intempestivo pudore hunc fluxum celarent. Si continui sint fluores albi, semper maculatæ sunt camissæ, sin

autem intermittant, raro in errorem medicus inducitur praesentia si paulò antè, vel paulò post menstrua fluant; invadunt enim vel crescunt appropinquantibus vel desinentibus mensibus.

Urinæ inquit *Raulin*: dum fluunt fluores albi, sedimentum continent pituitosum, album magis & crudum quam in statu naturali; insuper observat idem auctor, quod quidam in illis reperiantur albidi & pituitosi flocculi quibus vulgò carent.

Sæpè confunditur leucorrhœa cum cæteris morbis qui eandem naturam sortiri videntur, quales sunt ulcera in utero, gonhorreæque virulentæ. Leuchorrea à fluxu matricis distingui potest, tum quando est recens, tum quando est inveterata. In primo casu, materia leucorrhœæ, nihil habet purulenti, contrarium evenit in ulcere matricis: in priori morbo, parum adest acrimoniæ, fluxus autem in ulcere, acerrimus est, & fetidissimus; in leuchorrhœâ recenti, levissimo ad summum calore & dolore afficitur uterus, utrumque symptoma, semper in posteriori observatur. Nunquam invadentes fluores albos, febris concomitatur, plerumque verò cum ulceribus jungitur, quibus vulgò præcedunt inflammationis nec non suppurationis signa, quod nunquam in leucorrhœâ observatur.

Quandò inveterata est leuchorrea, tunc ex iisdem signis deduci debet diagnosi, sed multò difficilior est. Sæpè sæpius enim contingit, quod fluores albos concomitentur, febris, calor, dolor in utero &c.; contingit etiam quòd humor non tantum modò acrimonia & fetiditate sit præditus, sed & purulentus. Pleraque signa, quæ jam in ulcere recensita sunt, sæpè igitur reperiuntur in fluore albo, & tunc temporis difficillimum est ne dicam impossibile, illa discernere.

Frequenter à recenti, vel inveteratâ, vel tandem permanenti gonhorreâ, distinguenda venit leucorrhœa. A recenti distinguitur, in eo quod, in leucorrhœâ non adest magna inflammatio in vulvâ, nec in vaginâ, non adest quoque ardor inter meiendum sicut & in gonhorreâ; in hoc posteriori morbo non coïtu nisi maximo cum dolore frui queunt ægrotantes, quod non evenit in leucorrhœâ. Si verò hæc affectio sit inveterata, difficilior discernitur, ab illo morbo venereo de quo agitur. differentiam tamen utriusque morbi attingere poterit, qui attendet ad symptomata antecedentia, quique observabit, quod gonhorrea contrahatur per impurum cum ægrotantibus commercium, quòd contrà nunquam contagiosa sit leucorrhœa; quod denique illa aliquandò leves producat excoriationes, sed absque ullo damno.

Interdum uterque morbo simul laborant ægrotantes, quisquis sit qui prior invaserit: sed tunc ex variis symptomatibus huic utroque morbo peculiaribus, haud ægrè distingui poterit.

Ex signis modò enumeratis , vulgò fluores albi à gonhorreâ distinguuntur ; si semper ægrotæ vera confiterentur : quandoque vero , illæ gonhorreâ quâdam affectæ fuerunt , non satis conspicuâ ex paucissimo ardore intrâ meiendum , levissimoque in partibus calore : alias , ægrotans parum attenta , vel ignara , hæc symptomata nescivit , vel illa neglexit , vel quandoque præparatis responsis , in errorem inducere de morbo quo laborat , conatur. In his cunctis casibus in solâ medici maximè exercitati sagacitate , lumen aliquod reperiri potest.

Fluores albi interdum junguntur cum aliis morbis , quales sunt strumæ , scorbutus , cæteræque infirmitatesque periculosiores , semperque curatu difficiliores illos faciunt.

Tantum variare debet curatio fluoris albi , quantum variantur causæ quæ illum produxerunt. Ante omnia , cognoscendæ sunt indicationes oriundæ ex morbo ipso & symptomatibus , ex ægrotantium temperamento , illorumque vivendi modo ; noscenda quoque sunt remedia ipsarum constitutioni magis consentanea , & aërem in quo vitam degunt. Leucorrhœæ curatio , in genere , non suscipienda , nisi prius à sanguine cæterisque humoribus secreta sint diversa vitia quæ illis alterationem afferunt ; sic lenientia sunt adhibenda , si acrimonia prædominium teneat , incrassantia autem & absorbentia , si ad dissolutionem fluida tendant. Eò diutius præparantibus insistendum erit , quò morbus magis inveteratus fuerit , vel materia qualitate magis acri & corrosivâ gaudebit. Tutò diluentia , humectantia & lenientia in hoc morbo usurpari queunt , si fortè indicantur illa remedia ; non enim subito juxtâ clariss. *Astruc* fluxum sistere possunt , nullamque in utero impressionem producant : maximâ autem cum cautelâ , ad aperientia , vulneraria & astringentia , etiam in his casibus in quibus conveniunt confugiendum erit : illa enim remedia affirmante jam laudatiss. *Astruc* , vel fluxum sistere valent , vel inflammationem in utero determinare. Qui ista accidentia fugere cupiet , pergit idem auctor , ferè semper diluentia cum aperitivis jungat , humectantia cum astringentibus , lenientiaque cum vulnerariis. Suprà enumeratorum , virtus etiam remediorum , narcotici cujusvis , parcissimâ dosi adhibiti , ope & beneficio , moderari poterit.

Si hæc irritæ fuerint cautelæ , si uterus inflammetur , & maximus dolor in hac parte sentiantur , tunc ab istis remediis abstinendum , & maximè ab injectionibus astringentibus , in matrice præcavendum erit.

Si ex difficili partu , vel ex abortu oriantur fluores albi , vel ex violentâ secundarum extractione , ex copiosis menstribus , fluxibusque sanguineis ex nimia serositate , tunc juxtâ *Raulin* laxatur uterus. Ad

tonica igitur confugiendum est; secretionisque in statu suo naturali restituendæ. Amara & aromatica remedia intus sumpta has duas indicationes adimplere valent. Suadet *Hoffman* infusiones agrimonix, simphiti consolidæ, salviæ, & millefolii, &c. &c. magno autem cum successu aquas minerales ferrugineas *Sennert* usurpavit. Semper horumce remediorum usui præcedant dulcia cathartica, præsertim si ægrè fiant digestiones, & si sit saburra in primis viis. Administrari etiam debent purgativa tonica, tempestivè secundum indicationes adhibita. Quæ vero indicatio adimpletur ope decoctionis tamarindorum, catholici, radicum rumicis patientiæ, polypodii vulgaris, ope infusionis rhabarbari, mirbalanorum, rosarumque pallidarum. Ex his autem omnibus remediis, nullum tantâ virtute pollet, quam decoctus kina in succo urticæ, albæ.

Quod si causa morbi unicè in utero sedeat, minus in his generalibus remediis insistendum erit; metuendum est enim ne damnum affe-ratur cæteris visceribus, nullo vitio affectis. Tunc autem ad curationem localem confugiendum erit, nec tamen generalia remedia, omninò omittenda. Ab *Hippocrate* & *Galeno* commendantur irrigatio ab alto, forus aomatici, & injectiones, quæ etiam si non usque ad uterum per orificium illius perveniant, ejus tamen collum & superficiem irrorant, quod magnum producit levamentum, præsertim quando maximâ acrimoniâ donantur fluores albi.

Nunquam oleosæ sint injectiones, fieri autem debent partitis vicibus, & fractâ dosi; quæ verò frequentius adhibentur in laxitate uteri, sunt aquæ minerales & martiales. Quando acrimonia fluxus albi, temperanda est, tunc simpliciter injicitur aqua communis, vel decoctio hordei. Appropinquantibus vel fluentibus menstruis, ab injectionibus abstinendum est, illa enim vel imminuere vel sistere possent. Nonnulli suffi-mentum commendarunt post injectiones; sed ex illo remedio, non major utilitas, nec minus periculum quam ex injectionibus sequitur. Iisdem igitur cum cautelis & parcitate uterque administrari debet. Vulgò in suffimentis adhibentur substantiæ aromaticæ, quales sunt, ambra, benzoinum, olibanum, santala, nux muscata, &c.

Quando omnia leucorrhœæ symptomata mitiora facta sunt, & superest tantummodo fluxus serositatis claræ, cui favent uteri secretoria, vel illius textus cellularis, tunc magis insistendum est injectionibus & aromaticis suffimentis, quibus jungi possunt, si illud sit absolutè necessarium quædam lenissima astringentia.

Juxta *Raulin* quandò fluores albi suppressi fuere ex pravo regimine; vel ex remediis intempestivè propinatis, nunquam abstinendum est à

viis illorum fluxum promovere valentibus. Quod si irrita fuerint omnia auxilia ad hunc scopum tendentia, tunc evacuationes excitandæ quantum fieri potest, vel viis naturalibus vel artificialibus.

Haud rarò nutriuntur fluores albi à schirro, vel tumore in matrice, difficillimè isti tumores invadentes agnoscuntur, sæpè enim existunt, nec præsentiam illorum persentiant ægrotantes. Cum autem jam inveterascent, protuberantia in regione uteri aspicitur, versus pubim inclinat ventriculus, gravissimosque dolores in hac parte producit: ex hoc quoque vitio comprimuntur vesica, vel intestinum rectum, illorumque functiones perturbantur. Horumce omnium accidentium, prima ratio habenda est, & illis ante omnia remedium afferendum, his enim sublatis plerumque cedit leucorrhœa. Ast verò quandoque remedia sapientiùs administrata, hos tumores augent, nedum tollant: ut enim asserit *Boerhaavius*, ægrè obtinetur sanatio schirri in visceribus. Affirmat *Hoffman* quod difficilùs illi curentur, quàm præveniuntur. Initio tamen horumce morborum, balnea in aquâ edulcoratâ ope plantarum emollientium commendat celeberrimus ille medicus intus dulcia aperientia assumi jubet, suffimentaue suadet ex lixivîâ genistæ vulgaris, ex antimonio aquis que ferrugineis. Hæc inquit idem auctor, remedia maxima virtute pollent adversus obstructions uteri. Ferrum commendat *Zacutus Lusitanus*. Cuncta hæc auxilia exercitio, sapientique regimine adjuvari debent, & purgativa tempestivè propinanda sunt. Si suprà commendata remedia non adhibeantur, nisi cum jam inveteratus fuerit schirrus, tunc in cancerem illum vertunt insanabilem, præsertim si sit in utero in quo introduci nequeunt sola convenientia remedia, scilicet ferrum & ignis: quanquam enim tanquam specifica adversus cancerem olim laudatæ fuerint belladonna, & cicuta plurimorum tamen sapientium medicorum observationes & experientiæ. Accuratissimæ non de his specificis fidem habere sinunt. Nullum ego remedium adversus cancerem uteri proponere ausim, innumeri enim auctores celeberrimi quorum diu opera meditavi, eo mihi adduxere ut nullum credam remedium aliquâ fide in hoc morbo dignum. Tanquam insanabiles haberi possunt fluores albi quos fovet cancer in utero, materia ex eo fluens, distinguenda est à materiâ canceris simplicis; pallidè alba est, similis inconsistentiâ albuminis; & concreta; in vaginâ tandem maximas producit irritationes. Curatio palliativa hujusce morbi, solummodo tentanda est, quæ pro variis circumstantiis variabitur. Suadet *Morgagni* ad hanc irritationem compescendam injectiones, cum quantitate sufficienti lactis, cui adjunguntur quædam opii præparationes. Has maximo cum successu adhibuit *Raulin* ita ut saturni præparationes extûs applicatas: illas quoque maxime commendat *Ballonius*.

Quandoque ulcera corrodunt uterum leucorrhœa laborantium ; illaque complicatio agnoscitur ex dolore quo ægrotans afficitur , ex continuâ irritatione in partibus affectis ; crescit dolor tactu partium ægrotantium majusque spatium complectitur , & fluxus adest purulentus : interdum nullo odore pollet , alias verò flavus , viridis & fetidus , sæpèque ex diuturnitate deterrimam adipiscitur qualitatem. Diuturni uteri morbi , inquit *Hippocrates* totum corpus vitiant , illudque labefactant. Qualitas puris ex utero prodiens , quænam sint huic affectioni remedia congrua satis indicat. Remedia adversus ulcera usurpata severum regimen concomitari suadet *Balonius*. Tempestivè dulcia purgativa , clysmataque emollientia administrat : tanquam alterantia , suadet decoctiones brassicarum & brunellæ , plantaginis , rosarum , caryophyllatæ vulgaris , veronicæ , geranii robertiani , & pimprnellæ , &c. , &c. Multum laudat serum lactis , mixtum in vaso plumbeo , cui adjungitur succus quarundam plantarum suprâ laudatarum. Censet *Raulin* , quod in uteri ulceribus , nunquam intus sumpta omittenda sint , balsamica , & vulneraria. In istis casibus , maxime conveniunt balsama. Aliquando ex votis cessere aquæ minerales saponem continentes ; vel illæ intus assumuntur , vel in injectionibus administrantur. In eodem morbo commendat *Hoffman* injectiones ex aquâ , *d'Arquebusade* , succini , gummi elemi & balsami peruviani ; diversa autem illa remedia , admittenda sunt solummodò , quando ulcera non perfectè cicatricantur , quanquam sublata fuerint causæ quæ illa produxerant , & quando nullus dolor nullaque superest sensibilitas.

F I N I S.

A R G U M E N T A B U N T U R

P R O F E S S O R E S I L L U S T R I S S I M I ,

PAULUS - JOSEPHUS BARTHEZ , *Universitatis Cancellarius.*

GASPARDUS-JOANNES RENE' , *Decanus.*

ANTONIUS GOUAN , *Pro - Decanus.*

FRANCISCUS BROUSSONET.

HENRICUS - LUDOVICUS BRUN.

HENRICUS FOUQUET.

JOANNES-BAPTISTA BAUMES.